

IBhayibheli LaBantwana  
Likulethela

Jeremiya,  
Indoda  
Yezinyembezi



Ibhalwe ngu: Edward Hughes

Kwabonakala ngu: Jonathan Hay; Alastair P.

Ifanekiswe ngu: Mary-Anne S.

Itolikwe ngu: Goodwill Sithembiso Gwala

Ikhizwe ngu: Bible for Children

[www.M1914.org](http://www.M1914.org)


©2023 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.



UJeremiya wazalelwa ekhaya lenkolo embusweni wakwaJuda. Uyise, uHilikiya, wayengumpristi. Umndeni lo wawuhlala edolobheni okuthiwa yi-Anathothi elingekude neJerusalema. Mhlawumbe abazali bakaJeremiya babecabanga ukuthi naye uzoba umpristi. Kodwa uNkulunkulu wayenamanye amacebo.






Ngesikhathi  
uJeremiya ezalwa, abantu  
bakaNkulunkulu babengaphili  
ngokuvumelana neZwi  
likaNkulunkulu. Cishe wonke  
umuntu, kusukela enkosini  
kuze kufike esisebenzini  
esithobekile, babekhonzisa  
onkulunkulu bamanga -  
ngisho nasethempelini  
likaNkulunkulu  
elingcwele!




Lapho  
uJeremiya  
esemusha,  
uNkulunkulu  
wakhuluma  
naye. "Ngakwazi  
ungakazalwa," uNkulunkulu watshela uJeremiya,  
"futhi nganquma ukuthi uzongikhulumela mina."



Ubizo lukaNkulunkulu lwabonakala lumethusa uJeremiya. "Awu, Nkosi Jehova!" wakhala. "Angikwazi ukukhuluma, ngoba ngingumntwana." Wayengaphezu kwengane - wayeneminyaka engamashumi amabili ubudala. Kodwa uJeremiya

Wayengacabangi ukuthi angakhulumela uNkulunkulu ebubini obumzungezile.




"Ungesabi," uNkulunkulu waqinisekisa uJeremiya. "Hamba lapho engikuthuma khona. Yisho noma yini engikutshela yona."

Mina nginawe futhi ngizokukhulula." UNkulunkulu wabe esenza okuthile okukhethekile. UNkulunkulu wathinta umlomo kaJeremiya.




UNkulunkulu wanika uJeremiya amandla nesibindi nokuhlakanipha. Wakhuluma ngesibindi, ekhumbuza abantu ukuthi uNkulunkulu uyabathanda futhi ufuna ukubasiza. Kodwa akekho owamlalela. Ngisho nenkosi.






Ngisho nabapristi bathukuthela  
bamtshela ukuba ayeke ukukhuluma ngoNkulunkulu.  
Kwakukhona nabaprofethi bamanga ababethi

uJeremiya wayengakhulumi  
iqiniso.



UJeremiya wakhumbuza abantu ukuthi eminyakeni engaba yikhulu ngaphambili, umbuso wakwa-Israyeli osenyakatho wawumshiyile uNkulunkulu. Izitha zawo, abase-Asiriya, zawanqoba futhi zathuthela wonke ama-Israyeli emazweni akude.






Manje abantu  
bakwaJuda, umbuso  
waseningizimu, babemshiyile  
uNkulunkulu. Amabutho  
ezitha kakade ayesehamba!

Ingabe uNkulunkulu  
wayeyovumela abantu  
Bakhe ukuba  
banqotshwe futhi  
bathunjwe nabo?



Abantu babethembe izithixo zabo. Ingabe izithombe zazingabasindisa ezitheni zabo? Cha! UNkulunkulu kuphela owayengabasindisa. Abantu bamthukuthelela uJeremiya, benza itulo lokumbulala. Kodwa uNkulunkulu wayivikela inceku Yakhe.




Ekugcineni, uNkulunkulu washo okuthile okumele ukuba kwamthusa uJeremiya. UNkulunkulu wathi: "Ningabakhulekeli lababantu. Ngeke ngibezwe lapho bekhala kimi becela usizo."




UJeremiya waxwayisa  
inkosi ukuthi yayizohlulwa  
empini nebutho  
laseBhabhiloni. Inkosi  
yathukuthela yafaka  
uJeremiya etilongweni.  
Ngisho nasetilongweni,  
uJeremiya waqhubeka  
eshumayela futhi  
ethembela kuNkulunkulu.



Esephumile etilongweni  
uJeremiya waphinde  
washumayela enkosini  
nakubantu ukuthi  
babuyele kuNkulunkulu  
babeke ithemba labo  
kuye. Kulokhu,  
inkosi yathi  
uJeremiya  
ehliselwe  
emgodini ojulile  
onodaka.



Kodwa uNkulunkulu wayesebenza enhliziyweni yenkosi. Wahlanga uJeremiya ngasese futhi wambuza ukuthi uNkulunkulu wayefuna yenzeni inkosi. "Hambani niye ekuthunjweni, futhi uNkulunkulu uthi niyophila," kwakuyimpendulo.





Ibutho laseBhabhiloni langoba  
iJerusalema noJuda wonke. Badiliza  
izindonga nazo zonke izakhiwo,  
bashisa yonke into. UNkulunkulu  
wathi abantu Bakhe  
babeyothunjwa  
iminyaka  
engamashumi  
ayisikhombisa,

futhi  
wayeyobabuyisela  
eZweni  
Lesithembiso.



Jeremiya, Indoda Yezinyembezi


Indaba evela kwiZwi laNkulunkulu, iBhayibheli,

Itholakala

UJeremiya

“Ukwambulwa kwaMazwi Akho kuyakhanyisa.”  
AmaHubo 119:130






Yaphela



28



60



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu:  
Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

